

Ugovorne strane:

- 1. Ministarstvo unutrašnjih poslova Kantona Sarajevo**, ulica La Benevolencije broj 16, koje zastupa ministar, Admir Katica, (u daljem tekstu: Kupac) i
- “GREEN OIL” d.o.o. Sarajevo**, ulica Marka Maruluća broj 4, ID broj 4200851420006, koje zastupa direktor Reko Muhović (u daljem tekstu: Prodavac) zaključili su:

UGOVOR
o nabavci pogonskog goriva za potrebe
Ministarstva unutrašnjih poslova Kantona Sarajevo

Član 1.

Predmet ugovora je nabavka pogonskog goriva za potrebe Ministarstva unutrašnjih poslova Kantona Sarajevo.

Nabavka je izvršena na osnovu Odluke broj 04-1-11-4-1176 od 12.02.2025. godine i Obavještenja o nabavci broj 1364-1-1-39-3-37/25 od 04.03.2025. godine.

Ugovor se zaključuje u skladu sa uslovima iz tenderske dokumentacije, ponudom Prodavca, odredbama Okvirnog sporazuma broj 04-1-11-4-1176-6 od 29.05.2025. godine.

Ponuda Prodavca broj 44-03/25 od 25.03.2025. godine, kao i Izvještaj o toku i završetku e-aukcije od 10.04.2025. godine čine sastavni dio ovog Ugovora.

Član 2.

Ukupna cijena iz člana 1. ovog ugovora sa taksom i bez PDV-a iznosi 42.508,70 KM (četrdesetdvijehiljade petstotinaosam i 70/100 KM).

Ugovorena cijena uključuje, pored navedenog i sve zavisne troškove.

Cijene su nepromjenjive sve dok Federalno ministarstvo trgovine ne odobri promjene cijena naftnih derivata. U slučaju promjene cijene Prodavac se obavezuje dostaviti važeći Obrazac o promjeni cijena Federalnog ministarstva trgovine.

U slučaju promjene cijene Prodavac se obavezuje da će uz fakturu dostaviti važeći Obrazac o promjeni cijena Federalnog ministarstva trgovine, a u tom slučaju na cijene iz OPC-a će se primjenjivati procenat umanjenja cijene ostvaren na e-aukciji (5,48%).

Član 3.

Mjesto isporuke je na benzinskoj pumpi za koju je ponuđač dostavio adresu u ponudi.

Prodavac se obavezuje da ugovorenu isporuku izvrši u svemu prema propisima, standardima i normama kvaliteta koji važe za vrstu robe koje su predmet nabavke.

Član 4.

Kupac će ugovorenu cijenu plaćati u roku od 30 dana od isporuke i dostavljanja fakture.

Član 5.

Reklamaciju na kvalitet isporučene robe Kupac može uložiti pismenim putem u roku osam dana od prijema robe.

Prodavac se obavezuje da će reklamaciju na kvalitet riješiti u roku od tri dana.

Član 6.

Prodavac je dužan, u roku deset dana od dana obostranog potpisivanja ugovora, dostaviti garanciju za dobro izvršenje ugovora u obliku безусловne bankarske garancije u iznosu od 10%

od ukupne vrijednosti ugovora (vrijednost ugovora bez PDV-a), sa klauzulom plativo na prvi poziv korisnika garancije bez prava prigovora, sa rokom važnosti: rok izvršenja ugovorenih obaveza + 30 dana.

Član 7.

Prodavac se obavezuje da će isporučiti robu u skladu sa prihvaćenom ponudom i da će odmah postupiti po eventualnim primjedbama Kupca u pogledu, eventualnih nedostataka. Kupac će utvrditi razuman rok za ispravku propusta Prodavca.

Član 8.

Ukoliko poslije zaključenja ovog Ugovora nastupe okolnosti više sile koje dovedu do ometanja ili onemogućavanja izvršenja obaveza definisanih ugovorom, rokovi izvršenja obaveza će se produžiti za vrijeme trajanja više sile.

Viša sila podrazumijeva ekstremne i vanredne događaje koji se ne mogu predvidjeti, koji su se dogodili bez volje i uticaja strana u ugovoru i koji nisu mogli biti spriječeni od strane pogođene višom silom.

Višom silom mogu se smatrati poplave, zemljotresi, požari, politička zbivanja, imperativne odluke vlasti, bolest i slično.

Strana u ugovoru koja je pogođena višom silom, odmah će u pisanoj formi obavijestiti drugu stranu o nastanku nepredviđenih okolnosti uz prilaganje odgovarajućih dokaza.

Član 9.

Sva, eventualno sporna pitanja rješavat će se dogovorom, štiteći obostrane interese. U slučaju nemogućnosti zajedničkog rješenja, eventualno nastalog spora, spor će rješavati nadležni sud u Sarajevu.

Član 10.

Prodavac nema pravo zapošljavati, u svrhu izvršenja ugovora o javnoj nabavci, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija za nabavke, najmanje šest mjeseci po zaključenju ugovora, odnosno od početka realizacije ugovora.

Član 11.

Ovaj Ugovor stupa na snagu danom potpisivanja ovlaštenih predstavnika i traje do realizacije ugovorenog iznosa, ali ne duže od trajanja okvirnog sporazuma.


Član 12.

Ovaj ugovor izrađen je u četiri istovjetna primjerka, od kojih po dva zadržava svaka ugovorna strana.

PRODAVAC
„GREEN OIL“ d.o.o. SARAJEVO

direktor
Reko Muhović

Broj: 109-06-497
Datum: 29.05.2025.



KUPAC
MUP KANTONA SARAJEVO

Ministar
Admir Katica

Broj: 14-1-11-4-1176-7
Datum: 29.05.2025. godine